



Møteprotokoll

Utval:	Levekårsutvalet
Møtestad:	Formannskapssalen, Sande rådhus
Dato:	28.04.2026
Tid:	kl 13:45 - 17:00

Desse møtte	Representerer	Funksjon
Frode Bringsvor	H	leiar
Marthe Longva	AP	nestleiar
Strandbakken		
Kjartan Bleie	FRP	medlem
Ann-Lena Vonheim	H	medlem
Magnus Hjelle	SP	medlem

Andre som møtte

Dag Vaagen
Toril Urkedal

Røysteføre: 5

Møtenotater:

Frå administrasjonen møtte:

Jørn Velle Moldskred, kommunalsjef helse og omsorg

Lilly Arlen Kvalsund, kommunalsjef oppvekst og kultur

Renathe Rossi Aglen, kommunedirektør

Kjell Hauge, ingeniør teknisk og landbruk

Elin Muren Rokstad, informasjonskonsulent/politisk sekretær

Møtet slutt kl 17.00

Til å lese igjennom møteprotokollen før vedtaksutsending vart Kjartan Bleie og Magnus Hjelle valde saman med leiar.

Sakliste

Sak nr.	Sakstittel	Arkivsaksnr.
PS 16/26	Godkjenning av innkalling og sakliste	26/943
PS 17/26	Godkjenning av protokoll	26/943
PS 18/26	Grunngjevne spørsmål	26/943
PS 19/26	Orienteringar	26/943
PS 20/26	Referatsaker	26/943
PS 21/26	Delegerte saker	26/943
PS 22/26	Skal Sande kommune nytte prioriteringsrettleiaren?	25/879
PS 23/26	Tenesteskildring for helse og omsorg i Sande kommune	25/879
PS 24/26	Mellombels endra maksimaltid for skjenking av alkohol i varegruppe 1 og 2 under fotball-VM 2026	26/89
PS 25/26	Framtidig organisering av oppvekststruktur i Sande kommune	26/403

Larsnes, 28.04.2026

Frode Bringsvor
leiar

PS 16/26 Godkjenning av innkalling og sakliste

Vedtak:

Innkalling og sakliste godkjent utan merknad

PS 17/26 Godkjenning av protokoll

Vedtak:

Protokollen frå førre møte vart godkjent utan merknad.

PS 18/26 Grunngjevne spørsmål

Behandling:

Kjartan Bleie, Frp har stilt følgjande spørsmål:

I kommunedirektøren si tilråding (alt. 1) er det ei årleg netto innsparing på 1,7m.

Kommunestyret si bestilling K-sak 33/25 legg til grunn budsjett/økonomiplanen sitt vedtak om innsparing på 5,0m med heilårsverknad frå 2027.

Eg ynskjer eit detaljert oppsett på at ein når ei innsparing på 5,0m i 2027 i kommunedirektøren si tilråding.

Svar:

Det blir gitt svar i samband med behandling av sak PS 25/ 26.

Kommunedirektøren peika på at innsparinga vil avhenge av politiske prioriteringar/val.

PS 19/26 Orienteringar

Vedtak:

Orienteringssaker vart samrøystes tekne til vitande.

PS 20/26 Referatsaker

Underliggende sak:

Saksnr.	Tittel
08/26	Informasjon om Pasient- og brukarombodet i kommunale helse og omsorgsvedtak
09/26	Orientering om pågående arbeid knyttet til innsparingstiltak for båt- og bilambulansetjenesten i Helse Møre og Romsdal HF
10/26	Orientering om status EPJ-system i helse og omsorg

Vedtak:

Referatsaker vart samrøystes tekne til vitande.

PS 21/26 Delegerte saker

Underliggende sak:

Saksnr.	Tittel
19/26	Skjenkekontroll - Rønneberghuset - einskildhøve 27.03.2026
20/26	Skjenkekontroll Kråen Gard 27.03.2026

Vedtak:

Delegerte saker vart samrøystes tekne til vitande.

PS 22/26 Skal Sande kommune nytte prioriteringsrettleiaren?

Vedtak:

Levekårsutvalet tilrår:

1. Sande kommunestyre vedtek å ta i bruk den nasjonale rettleiaren «Prioriteringar i kommunale helse- og omsorgstenester» (Helsedirektoratet, april 2025) som grunnlag for prioriteringsarbeidet i kommunen sine helse- og omsorgstenester.
2. Kommunedirektøren får i oppdrag å innarbeide dei tre prioriteringskriteria – nytte, ressurs og alvorlegheit – i sakshandsaming, vedtaksarbeid og plan- og budsjettprosessar i helse- og omsorgstenesta, og legg fram ei statusorientering om implementeringsarbeidet i samband med budsjetthandsaminga for 2027.

Behandling:

Kommunalsjef helse og omsorg Jørn Velle Moldskred orienterte i saka.
Kommunedirektøren si tilråding vart samrøystes tilrådd.

Kommunedirektøren si tilråding:

Kommunedirektøren si tilråding til vedtak:

1. Sande kommunestyre vedtek å ta i bruk den nasjonale rettleiaren «Prioriteringar i kommunale helse- og omsorgstenester» (Helsedirektoratet, april 2025) som grunnlag for prioriteringsarbeidet i kommunen sine helse- og omsorgstenester.
2. Kommunedirektøren får i oppdrag å innarbeide dei tre prioriteringskriteria – nytte, ressurs og alvorlegheit – i sakshandsaming, vedtaksarbeid og plan- og budsjettprosessar i helse- og omsorgstenesta, og legg fram ei statusorientering om implementeringsarbeidet i samband med budsjetthandsaminga for 2027.

PS 23/26 Tenesteskildring for helse og omsorg i Sande kommune**Vedtak:****Levekårsutvalet tilrår:**

Kommunestyret vedtek tenesteskildring for helse- og omsorgstenestene i Sande kommune, datert 2025. Tenesteskildringa gjeld frå vedtaksdato og vert revidert ved behov, minimum kvart andre år. Revisjonsansvaret ligg hos kommunalsjef for helse og omsorg.

Behandling:

Kommunalsjef helse og omsorg Jørn Velle Moldskred orienterte i saka.
Kommunedirektøren si tilråding vart samrøystes tilrådd.

Kommunedirektøren si tilråding:

Kommunestyret vedtek tenesteskildring for helse- og omsorgstenestene i Sande kommune, datert 2025. Tenesteskildringa gjeld frå vedtaksdato og vert revidert ved behov, minimum kvart andre år. Revisjonsansvaret ligg hos kommunalsjef for helse og omsorg.

PS 24/26 Mellombels endra maksimaltid for skjenking av alkohol i varegruppe 1 og 2 under fotball-VM 2026**Vedtak:****Levekårsutvalet tilrår:**

Sande kommunestyre gir dispensasjon frå reglane i Alkoholpolitisk handlingsplan for 2024 - 2028, og vedtek mellombels endra maksimaltid for skjenking av alkoholhaldig drikk inntil kl 06.00, med tilsvarende opningstider, i heile perioda fotball-VM for herrar 2026 varer, 11. juni til 19. juli 2026.

Dispensasjonen gjeld for alle dagar det vert sendt fotballkampar frå VM.

1. Endra maksimaltid gjeld berre for skjenking av alkoholhaldig drikk i gruppe 1 og 2.
2. Endra maksimaltid gjeld berre for skjenkestadar som viser direktesende kampar i fotball-VM 2026 innandørs for staden sine gjestar.

3. Endra maksimaltid er ikkje generell for alle skjenkestadane i kommunen, og skjenkestadar som ønskjer endra maksimaltid og opningstid må søke om dette. Kommunedirektøren vert gitt mynde til å avgjere desse søknadane.

Heimel: Alkohollova § 4-4 nytt niande ledd, og kommunen sin alkoholpolitiske handlingsplan.

Behandling:

Kommunedirektøren si tilråding med alternativ 1 vart samrøystes tilrådd.

Kommunedirektøren si tilråding:

Sande kommunestyre gir dispensasjon frå reglane i Alkoholpolitisk handlingsplan for 2024 - 2028, og vedtek mellombels endra maksimaltid for skjenking av alkoholhaldig drikk inntil kl 06.00, med tilsvarende opningstider, i heile perioda fotball-VM for herrar 2026 varer, 11. juni til 19. juli 2026.

Alternativ 1: Dispensasjonen gjeld for alle dagar det vert sendt fotballkampar frå VM.

Alternativ 2: Dispensasjonen gjeld kun for dei dagane Noregs herrelag spelar VM-kampar.

1. Endra maksimaltid gjeld berre for skjenking av alkoholhaldig drikk i gruppe 1 og 2.
2. Endra maksimaltid gjeld berre for skjenkestadar som viser direkte sende kampar i fotball-VM 2026 innandørs for staden sine gjestar.
3. Endra maksimaltid er ikkje generell for alle skjenkestadane i kommunen, og skjenkestadar som ønskjer endra maksimaltid og opningstid må søke om dette. Kommunedirektøren vert gitt mynde til å avgjere desse søknadane.

Heimel: Alkohollova § 4-4 nytt niande ledd, og kommunen sin alkoholpolitiske handlingsplan.

PS 25/26 Framtidig organisering av oppvekststruktur i Sande kommune

Vedtak:

Levekårsutvalet tilrår:

1. Skulestruktur

- Gursken skule (1.-7. trinn) Larsnes skule (1.-7. trinn) vert slått saman til ny felles barneskule i Gursken, frå og med januar 2027.
- Kvamsøy skule (8.-10. trinn) blir flytta til ny felles ungdomsskule i Gursken (8.-10 trinn), frå og med januar 2027.
- Kvamsøy skule (1.-7. trinn) held fram i noverande lokale, men blir organisert under felles leing og administrasjon med ny samanslått skule i Gursken.

2. Barnehagestruktur

Barnehagestrukturen vert uendra, men kommunedirektøren vil innanfor arbeidsgivar sin styringsrett vurdere ny administrativ organisering av tenesta.

3. Kulturutvikling

- Kulturskulen blir flytta til Larsnes skule. Lokala i Gursken kan framleis nyttast til musikk- og aktivitetsrom for SFO.

- Kommunen skal, i samarbeid med frivilligsentralen, lag og organisasjonar og flyktningsneste, vurdere om tidlegare Larsnes skule kan utviklast til ein aktivitetsbase for kultur, ungdom, frivilligheit og idrett.
- Ei eventuell flytting av biblioteket blir utsett, i påvente av ei breiare vurdering av framtidsretta biblioteksdrift, inkludert:
 - interkommunalt samarbeid
 - «Meiråpent»-løysing med beteningsfri opningstid
 - framtidig lokalisering

4. Budsjett og økonomiplan legg til grunn ei innsparing på 2,5 millionar kroner knytt til oppvekststrukturen i 2026. Ei utsetjing av endringane til januar 2027 inneber at innsparingskravet må realiserast i skulen gjennom redusert bemanning frå hausten 2026.

5. Kommunedirektøren får mynde til å legge korrigerert forskrift om skulekrinsgrenser på høyring, i tråd med kommunestyret sitt vedtak.

Behandling:

Framlegg til vedtak: 0-alternativ for skulestrukturen i Sande kommune, foreslått av Kjartan Bleie, Framstegspartiet

1. Kommunestyret vedtek å vidareføre 0-alternativet for skulestrukturen i Sande kommune. Dette inneber at eksisterande skulestruktur vert oppretthalden utan ytterlegare strukturendringar i denne omgang.
2. Innsparingane kommunen har vedteke blir realisert gjennom nedbemanning innan noverande struktur.

Grunngjeving

Kommunedirektøren peikar fleire stadar i saksframlegget på at prosessen har vore prega av høgt tidspress. Dette vert også understøtta av høyringssvara, der fleire aktørar gjev uttrykk for at framdrifta har vore for rask. Dette kjem til syne i eit saksgrunnlag som framstår uoversiktleg, og på enkelte punkt mangelfullt eller inkonsekvent.

Kommunen har lagt til grunn ei årleg innsparing på 5 millionar kroner, der 2,5 millionar skal realiserast allereie frå hausten 2026. Kommunedirektøren presiserer at dette kan gjennomførast innanfor 0-alternativet gjennom redusert bemanning (punkt 4 i kommunedirektøren sitt saksframlegg). Dersom dette vert vurdert som fagleg og administrativt forsvarleg for perioden august–januar, må tilsvarande føresetnadar også kunne gjelde for perioden januar–juni. Dette underbyggjer at det ligg eit reelt og konkret innsparingspotensial i 0-alternativet innanfor gjeldande struktur.

Det ligg samstundes til grunn i saksframlegget at tilrådd alternativ gjev ei årleg innsparing på om lag 1,7 millionar kroner. Kommunedirektøren si eiga framstilling viser dermed eit vesentleg høgare innsparingspotensial innanfor 0-alternativet. Kommunestyret vurderer det ikkje som forsvarleg å velje eit alternativ med lågare innsparingsnivå når eit betre økonomisk alternativ ligg føre innanfor eksisterande struktur.

Skulestruktur er eit langsiktig grep med store konsekvensar. På denne bakgrunnen meiner kommunestyret at det er nødvendig å sikre betre kvalitet i kunnskapsgrunnlaget før eventuelle større strukturendringar vert vedtekne. 0-alternativet vert difor valt som ei mellombels løysing.

Kommunalsjef oppvekst og kultur Lilly Arlen Kvalsund, ingeniør Kjell Hauge og kommunedirektør Renathe Rossi Aglen orienterte og svara ut spørsmål frå utvalet.

RØYSTING:

Kjartan Bleie, Frp sitt forslag fekk 2 røyster og fall (SP, FRP).

Kommunedirektøren si tilråding fekk 3 røyster og vart tilrådd (H, AP)

Kommunedirektøren si tilråding:

1. Skulestruktur

- Gursken skule (1.-7. trinn) Larsnes skule (1.-7. trinn) vert slått saman til ny felles barneskule i Gursken, frå og med januar 2027.
- Kvamsøy skule (8.-10. trinn) blir flytta til ny felles ungdomsskule i Gursken (8.-10 trinn), frå og med januar 2027.
- Kvamsøy skule (1.-7. trinn) held fram i noverande lokale, men blir organisert under felles leing og administrasjon med ny samanslått skule i Gursken.

2. Barnehagestruktur

Barnehagestrukturen vert uendra, men kommunedirektøren vil innanfor arbeidsgivar sin styringsrett vurdere ny administrativ organisering av tenesta.

3. Kulturutvikling

- Kulturskulen blir flytta til Larsnes skule. Lokala i Gursken kan framleis nyttast til musikk- og aktivitetsrom for SFO.
- Kommunen skal, i samarbeid med frivilligsentralen, lag og organisasjonar og flyktningenesta, vurdere om tidlegare Larsnes skule kan utviklast til ein aktivitetsbase for kultur, ungdom, frivilligheit og idrett.
- Ei eventuell flytting av biblioteket blir utsett, i påvente av ei breiare vurdering av framtidsretta biblioteksdrift, inkludert:
 - interkommunalt samarbeid
 - «Meiråpent»-løysing med beteningsfri opningstid
 - framtidig lokalisering

4. Budsjett og økonomiplan legg til grunn ei innsparing på 2,5 millionar kroner knytt til oppvekststrukturen i 2026. Ei utsetjing av endringane til januar 2027 inneber at innsparingskravet må realiserast i skulen gjennom redusert bemanning frå hausten 2026.

5. Kommunedirektøren får mynde til å legge korrigerert forskrift om skulekrinsgrenser på høyring, i tråd med kommunestyret sitt vedtak.